



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-04-05-666/19
Sarajevo, 28.03.2019. godine

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
-ovdje-

PREDMET: Odgovor na zastupničko pitanje

Na 3. Radnoj sjednici Skupštine Kantona Sarajevo, održanoj dana 23.01.2019. godine u okviru tačke Dnevnog reda "Poslanička pitanja, inicijative i odgovori", zastupnik **Elvis Vreto**, postavio je zastupničko pitanje vezano za donošenje Odluke o zaštiti izvorišta Sarajevsko polje.

Pitanje glasi:

„Zašto ni za osam godina od pokretanja izrade Elaborata zaštite izvorišta Sarajevsko polje nije donešena Odluka o zaštiti izvorišta kao temeljni dokument za kvalitetno upravljanje a za pripremu smo uložili više stotina hiljada KM“.

„Da li izmjene čl. 43. Zakona o vodama Kantona Sarajevo („Sl. novine Kantona Sarajevo“, broj 18/10) omogućavaju KS donošenje Odluke, a koje su objavljene u („Sl. novine Kantona Sarajevo“, broj 43/16), pa ako to omogućavaju zašto do danas nema Odluka o zaštiti“.

Obrazloženje

Uvidom u čl. 43. Zakona o vodama Kantona Sarajevo koji je izmjenjen članom 1. Zakona o izmjenama i dopunama Zakona o vodama („Sl. novine Kantona Sarajevo“, broj 43/16) vidljivo je da je samo Vlada KS dobila pravo za podnošenje prijedloga, dok je i dalje nadležnost utvrđena neizmjenjenim čl. 42. Obzirom da je poznato da se zone protežu i u drugi entitet, a što je utvrđeno Elaboratom, nadležnost po mom mišljenju pripada Vladama F BiH i RS a na osnovu čl. 68. tačka 5. Zakona o vodama F BiH („Sl. novine F BiH“, broj 70/06) i člana 66. istog zakona.

Dakle ako postoji nadležnost KS onda obzirom na činjenicu da je prošlo dvije godine od izmjena zakona, sigurno postoji i odgovornost za produžavanje agonije .

Ako izmjenama zakona, u šta potpuno vjerujem, nije omogućeno donošenje Odluke, slijedi pretpostavljam odgovornost predlagača za dovošenje u zabludu Skupštine i novi produžetak agonije.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Odgovor:

Neusaglašenost propisa u Federaciji BiH i Republici Srpskoj dovela je do toga da se ne može donijeti Odluka o zaštiti izvorišta "Sarajevsko polje", za cijeli obuhvat izvorišta koji se prostire na oba entiteta i ako je to neophodno radi sveobuhvatne zaštite i provodjenja mjera, jer se radi o izvorištu podzemne vode čiji se akvifer prostire na oba entiteta. Zbog stanja u vodozaštitnim zonama i neophodnosti donošenja takve odluke o zaštiti izvorišta, Kanton Sarajevo je pokrenuo aktivnosti u cilju zaštite izvorišta Sarajevsko polje. U tom pravcu Skupština Kantona Sarajevo je na sjednici održanoj dana 27.10.2016. godine donijela Zakon o izmjeni i dopuni Zakona o vodama Kantona Sarajevo. Zakon je objavljen u "Službenim novinama Kantona Sarajevo", broj 43/16. Izmjenama zakona propisano je:

Članom 1. Zakona o izmjeni i dopuni Zakona o vodama KS, izmjenjen je član 43. Zakona o vodama (Privremena zaštita izvorišta), koji glasi:

" (1) Nadležni organ iz člana 42. stav (5) ovog zakona na prijedlog Vlade Kantona Sarajevo donosi Privremenu odluku o zaštiti izvorišta od značaja za buduće snabdijevanje vodom za piće, korištenje izvora mineralne, termalne ili podzemne vode za područje Kantona Sarajevo do donošenja Odluke o zaštiti izvorišta u skladu sa članom 68. stav 5. Osnovnog zakona".

U cilju rješavanja ovog problema Vlada Kantona Sarajevo je rješenjem broj: 02-05-1010130-23/17 od 16.03.2017. godine formirala Komisiju za izradu Nacrta privremene odluke o zaštiti izvorišta vode za piće „Sarajevsko polje“, koja je imala sljedeće zadatke da:

1. Ocijeni da li izrađeni Elaborat o zaštiti izvorišta "Sarajevsko polje", kompletan, urađen u skladu sa propisima, standardima i pravilima struke, te da li se na osnovu njega može donijeti Odluka zaštiti izvorišta vode za piće u "Sarajevskom polju;
2. Ukoliko Elaborat ima bilo koje nedostatke, a koje je neophodno prije donošenja Privremene odluke, otkloniti ili je pojedine segmente provedenih istraživanja potrebno doraditi, Komisija je obavezna da predloži Vladi Kantona Sarajevo, koje aktivnosti i u kojim vremenskim rokovima treba uraditi da bi se mogla donijeti privremena odluka;
3. Dostavi Vladi Kantona Sarajevo Nacrt Odluke.

Komisija je završila s radom i pripremila *Nacrt Privremene odluke o zaštiti izvorišta vode za piće „Sarajevsko polje“* koja se odnosi samo na područje Kantona Sarajevo, a za istu su pribavljena mišljenja nadležnih organa i Privremena odluka je spremna za dalju proceduru. Treba napomenuti da se radi o odluci koja po usvajanju ima privremeni karakter, od maksimalno 3 (tri) godine, dok se ne uskladi zakonska regulativa entiteta i stvore pravne pretpostavke za donošenje odluke o zaštiti za cijeli obuhvat koji se prostire na oba entiteta, jer se bez takve odluke i mjera izvorište ne može zaštititi.

U narednom periodu Ministarstvo će dostaviti Vladi KS *Nacrt Privremene odluke o zaštiti izvorišta vode za piće „Sarajevsko polje“* na razmatranje, nakon čega će se ući u dalju proceduru njenog usvajanja.

Napominjemo da je **na snazi** Odluka o zaštiti izvorišta vode za piće u Sarajevskom polju („Službene novine Grada Sarajeva“, broj 2/87) i iste se treba striktno pridržavati, a upravitelj zona KJKP "Vodovod i kanalizacija "d.o.o Sarajevo i nadležni inspekcijски organi trebaju preduzimati sve neophodne mjere i zakonom data ovlaštenja u cilju zaštite granica zona i kvaliteta vode u izvorištima.

Dostavljeno:

- Naslovu,
- Evidencija,
- a/a.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaiudina Čausevića 1

